

*etissimam Sedem observantia gnarus, horum
dissidiorum causas amoveret: Hoc, uti semper
summopere exoptavimus, enixeque pro conjun-
ctione, atque mutua cum eadem Sanctissima
Sede, cujus observantissimi atque obsequentis-
simi filii sumus, necessitudine laboravimus;
ita hujusce desiderii nostri compotes esse fa-
ctos valde letamur, idque vobis significare vo-
luimus: eo insuper adjecto, quod cum utrim-
que, quidquid hac in re opus erat, perfectum
fuerit, amotis censuris, obnuntiatio pariter,
quam ob hanc causam ante emisimus, aboli-
ta maneat; volentes, ut ex hac ipsa cunctis-
que actionibus nostris magis ac magis pietas
& religio Reipublicæ nostræ refulgeat, quam,
uti continuatis temporibus majores nostri fe-
cere, nos quoque sartam tectamque tuebimur.*

Marcus Ottobonus Secretarius.

Vinctos porro tradendi negotium Marco Ottobono, Sena-
tus scribæ, mandatum; qui summo mane ad Cardinalis ædes
accedens, in cubiculum, ubi Fraxineus legatus aderat, intro-
ductus, altiori voce, ita ut a cunctis exaudiri posset, *Hi
sunt*, inquit, *Fraxinee, Christianissimi Regis orator, bini ca-
ptivi, abbas nempe Brandolinus, ac Scipio Saracenus, cano-
nicus Vicetinus, quos Respublica, ut Henrico Galliarum Re-
gi gratificetur, salvo jure, quod in ecclesiasticis plectendis
obtinet, summo Pontifici concedit.* Orator, iis se accipere con-
ditionibus, affirmat; statimque in aliud cubiculum, in quo
Jojeusa erat, ingressus, *Hi sunt*, ait, *Cardinalis Illustrissime,*